

Peneraju Masa Depan Gemilang

Persada



Bil. 38 Jul-Sept 2011 | ISSN : 1675 - 2651



Ira Lehnder

Iban Woman Patriot of Sarawak

Dalam
Kenangan...



► Dekan UNIMAS Raih Anugerah Felo Kesihatan Awam Malaysia

► Air Bersih Untuk Semua

► Contoh Universiti Awam Terbaik

Wacana Ketua Editor

Assalamualaikum w.b.t dan salam sejahtera

Sebagai salah sebuah institusi pengajaran dan pembelajaran yang sentiasa prihatin terhadap tanggungjawab sosial, UNIMAS berbangga apabila berjaya memenuhi segala harapan dan impian masyarakat di luar sana. Salah satu daripada usaha tersebut adalah dengan menghasilkan bahan-bahan tulisan berbentuk biografi bagi tokoh-tokoh pemimpin yang pernah berjasa di negeri ini. Berbekalkan usaha dan gandingan dua orang pensyarah, buku Biografi tentang salah seorang tokoh wanita di Sarawak iaitu Dato Tra Zehnder telah berjaya diterbitkan.

Selain itu, sumbangan yang tidak terbatas sama ada dalam bentuk kewangan atau perkhidmatan, turut menjadi agenda utama universiti dalam usaha membantu golongan yang kurang berkemampuan. Bersempena dengan bulan Ramadhan yang mulia, UNIMAS telah mengadakan pelbagai aktiviti seperti menganjurkan majlis berbuka puasa dan juga program memasak bubur lambuk.

Harapan UNIMAS untuk menjadi sebuah Universiti Penyelidikan pada tahun 2015 adalah tepat pada masanya kerana dalam usaha untuk mencapai status tersebut, UNIMAS sememangnya telah berjaya mendapat kepercayaan dari pelbagai pihak. Contohnya, UNIMAS kini diberi harapan perlu oleh Kerajaan Negeri Sarawak dalam membantu menghasilkan graduan-graduan dan pekerja mahir yang akan menyumbang dalam menjayakan Koridor Tenaga Boleh Diperbaharui Sarawak atau SCORE. Akhir kata, tahniah dan syabas kepada UNIMAS kerana telah berjaya diiktiraf sebagai antara universiti awam terbaik di rantau ini.

Sekian,

Uni
LG
173
KL3
P466
2011
Bil.38
Jun - Sept
BUL

Mutiara Kata

"Kebijaksanaan menjanjikan kejayaan dan kebahagiaan tetapi jika disalahgunakan akan mewujudkan penderitaan."

"Setiap orang dapat mencapai kejayaan dalam hal apa saja, asalkan ia sangat menyukai pekerjaan yang dilakukan."

"Hidup memerlukan pengorbanan. Pengorbanan memerlukan perjuangan. Perjuangan memerlukan ketabahan. Ketabahan memerlukan keyakinan. Keyakinan pula menentukan kejayaan. Kejayaan pula akan menentukan kebahagiaan."

Editorial

Penasihat

Prof Datuk Dr Khairuddin Ab Hamid
Prof Dr Fatimah binti Abang

Prof Dr Peter Songan

Prof Mohd Fadzil Abdul Rahman
Encik Ahmad bin Katang

Ketua Editor

Dr Ahi Sarok

Editor

Rabiah Bujang

Norinda K. Sulut

Sarena Haldir

Erwandi Bujang Senawi

Pereka

Haidher Ahmad

Jurufoto

Hj Bujang Mohamad

Azlandy Mohammid Ali Tuah

Edaran

Roderick Rojis

Penerbit

Bahagian Penerbitan Aras 5
Bangunan CAUH
Universiti Malaysia Sarawak



Biografi Terbitan UNIMAS Dapat Pujian

Usaha UNIMAS dalam menerbitkan biografi tokoh-tokoh dalam negara ini, mendapat pujian daripada Timbalan Ketua Menteri, Datuk Patinggi Tan Sri Dr Alfred Jabu anak Numpang. Dalam pelancaran buku Dato Sri Tra Zehnder bertajuk 'Iban Woman Patriot Of Sarawak' pada 13 Julai lepas, Datuk Patinggi Tan Sri Dr Alfred Jabu berkata ini kerana, perjuangan tokoh-tokoh di negara ini perlu diketahui oleh orang ramai secara mendalam. Biografi Dato Sri Tra Zehnder telah ditulis bersama oleh pensyarah Fakulti Sains Sosial UNIMAS, Prof Madya Hew Cheng Sim dengan Prof Rokiah Talib iaitu seorang pensyarah yang telah bersara dari Universiti Malaya. Jelasnya, ia juga menjadi pengajaran dan pengalaman kepada masyarakat masa kini. "Sekurang-kurangnya, ia menjadi pengajaran kepada kita untuk tidak mengulangi kesilapan serta memberi pengetahuan tentang pengorbanan tokoh negara dalam pembangunan di negara ini," sambungnya.

Beliau turut berharap agar penerbitan buku biografi tokoh oleh UNIMAS diperbanyak dari masa ke semasa dan Kerajaan Negeri akan terus memberi sokongan ke arah usaha berkenaan. Naib Canselor UNIMAS, Prof Datuk Dr Khairuddin Ab Hamid turut meluahkan rasa bangga penerbitan biografi berkenaan sambil menyifatkan ia satu sumbangan dalam pembangunan material (bahan) bagi pengajian masyarakat Dayak di negeri ini. Beliau memberitahu, genre penyelidikan begini adalah efektif lebih-lebih lagi kini semakin banyak kajian ke atas perubahan konvensional masyarakat dilakukan.



Dato Sri Tra Zehnder telah menghembuskan nafas terakhir beliau pada 22 Julai 2011 kira-kira jam 9.30 malam di Hospital Umum Sarawak. Ibu kepada tujuh orang anak itu merupakan mantan Ahli Dewan Undangan Negeri (ADUN) dari tahun 1960 hingga 1963. Beliau juga merupakan pengasas kepada persatuan Serakup Indu Dayak Sarawak (SIDS).

Pada tahun 1962, mendiang mewakili Sarawak Dayak National Union (SDNU) dalam mesyuarat pembentukan Suruhanjaya Cobbold dan juga wanita pertama menjadi Ketua Majlis Adat Istiadat Sarawak (1996-2002) serta pernah dilantik sebagai Temenggong bagi Bahagian Kuching mulai Julai 1988 hingga Februari 1996.

Dekan UNIMAS Raih Anugerah Felo Perubatan Kesihatan Awam Malaysia

Satu kebanggaan buat UNIMAS apabila Dekan Fakulti Perubatan dan Sains Kesihatan UNIMAS, dianugerahkan Felo Perubatan Kesihatan Awam Malaysia. Anugerah tersebut telah diberikan oleh Persatuan Pakar Perubatan Kesihatan Awam Malaysia (PPPKAM) berdasarkan kriteria-kriteria yang telah ditetapkan oleh jawatankuasa persatuan berkenaan. Tan Sri Datu Prof Dr Mohamad Taha Arif merupakan antara dua belas calon yang menerima anugerah sama pada majlis yang diadakan di Klana Resort, Seremban, Negeri Sembilan pada 12 Julai lepas.



Seminar Kejururawatan UNIMAS Yang Pertama Dapat Puji



Menteri Muda Kesihatan Awam, Datuk Dr Stephen Rundi mak Utom memuji UNIMAS kerana julung kali menganjurkan seminar Kejururawatan 2011 pada 30 Julai lepas. Seminar berkenaan yang bertemakan '*Contemporary And Forward Looking*' telah dianjurkan oleh Fakulti Perubatan dan Sains Kesihatan, UNIMAS. Datuk Dr Stephen Rundi beranggapan usaha tenaga pengajar dan jururawat di UNIMAS dalam menjayakan seminar berkenaan akan

mendorong lebih ramai lagi para belia untuk menyertai bidang kejururawatan di negara ini. Beliau berkata, bidang kejururawatan merupakan penyumbang ke arah pembangunan individu secara *total* yang akan mewujudkan perpaduan negara dan meningkatkan kualiti hidup rakyat Malaysia. "Seminar ini kita anggap sebagai satu titik permulaan untuk menanam sifat-sifat dan semangat serta jiwa yang proflik dan berpandangan jauh," katanya. Beliau yang juga Menteri Muda Kemudahan Awam juga berharap UNIMAS terus komited dan memberi ilmu yang terkini kepada pelajarnya sejajar dengan perubahan dan kemajuan dalam bidang perubatan di negara ini. Beliau memberitahu pengajaran yang baik akan memberi pendedahan kepada bakal jururawat untuk berdepan dengan kes-kes klinikal semasa mengurus dan merawat pesakit.



Air Bersih Untuk Semua

UNIMAS mengorak langkah dalam penyelidikan dan yang terbaru, UNIMAS akan menjalankan penyelidikan dalam penyediaan bekalan air bersih dan selamat selain pembangunan sistem sanitasi yang teratur. Penyelidikan tersebut akan mendapat kerjasama dari EPC Synergy Sdn Bhd dan telah dimeterai dalam majlis menandatangani Memorandum Persefahaman (MoU) antara kedua pihak pada 17 Ogos bertempat di Hotel Grand Margherita Kuching. Naib Canselor UNIMAS, Profesor Datuk Dr Khairuddin Ab Hamid dalam ucapan beliau memberitahu MoU berkenaan membuka langkah kepada UNIMAS dan EPC Synergy meneroka pembangunan infrastruktur luar bandar terutama bidang tenaga hijau, bekalan air dan teknologi rawatan air. Beliau menyuarakan keyakinan kerjasama berkenaan akan membantu kerajaan dalam usaha memperluaskan penyediaan bekalan air bersih khususnya melibatkan kawasan luar bandar dan pedalaman.



“Diharap kita dapat membantu Kementerian Kemajuan Luar Bandar dan Wilayah (KKLW) mencapai sasaran sebanyak 13,024 rumah di kawasan luar bandar negeri ini dilengkapi bekalan air bersih bagi mencapai Keberhasilan Utama Negara (NKRA) tahun ini,” katanya. Beliau berkata, kerjasama itu juga akan memberi manfaat kepada kedua-dua pihak terutama dalam perkongsian maklumat teknologi kejuruteraan air menerusi kejuruteraan inovatif yang akan dibangunkan bersama. Beliau memberitahu Kumpulan Kejuruteraan UNIMAS akan menjalankan kajian dan

penyelidikan meliputi hidrologi, jurutera sumber air serta penyelidik mikro-hidro. Hadir sama pada majlis MoU tersebut ialah Pengurus Lembaga Pengarah UNIMAS, Datu Dr Hatta Solhi, Pengurus Rassnorm Sdn Bhd, Tan Sri Datuk Amar Haji Bujang Mohd Nor, Timbalan Naib Canselor UNIMAS (Penyelidikan dan Inovasi), Profesor Dr Peter Songan, Pengarah Eksekutif EPC Synergy Sdn Bhd, Ir.Azman Bujang dan Pengarah EPC Synergy Sdn Bhd, Ir Abang Husaini Abang Husin.



Syarahan Perdana: Prof Dr Lau Seng



UNIMAS telah berjaya menganjurkan Majlis Syarahan Perdana yang kedua dengan tajuk kali ini adalah “Water in the Environment:Tainted Life Source Hungers for Cures” pada 28 Julai lepas bertempat di Pusat Kemudahan Pembelajaran (CTF1), Kampus Barat UNIMAS. Ceramah tersebut telah disampaikan oleh Profesor Dr Lau Seng dari Pusat Pemindahan Teknologi dan Perundingan. Dalam ucapan perasmian, Naib Canselor UNIMAS, Prof Datuk Dr Khairuddin Ab Hamid berkata selaku ketua bagi penyelidikan pemulihan tenaga untuk efluen kilang minyak sawit, kesudian Prof Dr Lau Seng untuk memberi syarahan adalah amat dialu-alukan.

Beliau berkata, ini kerana, air merupakan satu komponen utama dalam kehidupan dan adalah penting bagi semua pihak mengetahui peranan masing-masing dalam menjaga komponen penting berkenaan.

Katanya, adalah tidak mustahil, dalam abad Ke-21, manusia sejagat sanggup berperang kerana berebutkan air.

Beliau turut kecewa dengan sikap sesetengah pihak yang tidak bertanggungjawab mengeksplorasi dan mencemarkan sungai, tasik dan laut.

Sementara itu, antara topik yang disentuh oleh Prof Dr Lau Seng dalam syarahan beliau ialah ‘Properties of Sarawak Waters, The Health of Sarawak Waters, Developing Monitoring Tools For Waters, Back to Nature For Cyres and Water Management Strategy.’

Kesimpulannya, Prof Dr Lau Seng berkata, pengurusan sumber air di negeri ini seolah-olah memberi tumpuan kepada bekalan air dan tebakan banjir tetapi sebaliknya keperluan alam sekitar telah diabaikan.

Beliau turut mencadangkan pengenalan ‘sistem pengurusan sumber air bersepada di sungai berskala lembangan’ dan transformasi sistem ini memerlukan persediaan institusi, kepakaran membuat keputusan termasuk kemahiran sumber manusia.

Pameran Reka Bentuk Cipta Ilham Buat UNIMAS



Satu ceramah dan pameran mengenai ‘Emosi, Kreativiti dan Reka Bentuk Praktikal’ oleh pensyarah Reka Bentuk Industri, Universiti Kebangsaan Chonbuk, Korea Selatan, Profesor Dr Hong Jungpyo telah diadakan pada 5 Julai lepas bertempat di Auditorium CAIS, UNIMAS. Perasmian majlis berkenaan telah disempurnakan oleh Naib Canselor UNIMAS, Profesor Datuk Dr Khairuddin Ab Hamid. Dalam ucapannya, Prof Datuk Dr Khairuddin berharap program seumpama itu akan membantu Institut Reka Bentuk dan Inovasi UNIMAS dalam membuat rekaan yang lebih kreatif dan inovatif serta boleh dikomersilkan.

“Sebagai sebuah universiti, membuat satu-satu produk yang hanya dapat memuaskan hati untuk pihak universiti sahaja tidak mencukupi sebaliknya produk itu harus menepati citarasa orang luar dan boleh dikomersilkan,” katanya.

Oleh demikian, kehadiran Profesor Dr Hong dalam ceramah dan pameran itu, sedikit sebanyak memberi ilham yang boleh membantu UNIMAS memasarkan produk di pasaran.

ICACA 2011

Tarik Penggiat dan Pengurus Seni Di Serata Dunia

Persidangan Antarabangsa Seni Gunaan dan Kreatif 2011 (ICACA 2011) kali ketiga yang telah diadakan selama dua hari bermula 6 hingga 7 Julai lepas bertempat di ‘Central Teaching Facilities 1’ (CTF1) UNIMAS, telah berjaya menarik ramai para penggiat dan pengurus seni dari pelbagai negara. Majlis perasmian persidangan itu disempurnakan oleh Menteri Perancangan dan Pengurusan Sumber II, Datuk Amar Haji Awang Tengah Ali Hasan.

Semasa berucap, Datuk Amar Haji Awang Tengah Ali Hasan berkata cara berfikir dan bertindak harus kreatif yakni melepassi sempadan inovasi seterusnya mencipta gaya hidup lestari serta bekerja dalam dunia berdaya saing.

Beliau memberitahu kerajaan negeri amat berharap persidangan tersebut akan membawa manfaat juga langkah penting menjadikan seni gunaan dan kreatif berperanan penting merancakkan lagi perkembangan ekonomi generasi muda terutamanya di Sarawak. Beliau menambah, harapan itu digarap sejajar dengan tema persidangan ‘Melangkuai Sempadan’ yang membayangkan halangan dan keadaan tertutup selain boleh ditafsir sebagai domain bagi ketakutan, keraguan, ketidaktentuan dan keengganan.

Naib Canselor UNIMAS, Prof Datuk Dr Khairuddin Ab Hamid dalam ucapan aluannya berkata, sebanyak 50 kertas kerja telah dibentang oleh penceramah dari dalam dan luar negara sepanjang persidangan berlangsung.

Program ICACA 2011 yang dianjurkan bersama oleh Fakulti Seni Gunaan dan Kreatif (FSGK) UNIMAS dan Petronas itu membentangkan 50 kertas kerja melibatkan peserta luar negara antaranya Korea, Indonesia, Taiwan, Amerika Syarikat, Belanda dan Kanada.

Beliau menambah, persidangan kali ini adalah yang ketiga seumpamanya selepas pengajuran pada 2006 dan 2008 yang berjaya menarik ramai para ilmiah seni dari dalam dan luar negara datang berkongsi ilmu berkaitan seni kreatif.



UNIMAS Anjur Majlis Berbuka Puasa



UNIMAS telah meraikan seramai 181 orang kurang berasib baik sempena bulan Ramadan pada satu majlis berbuka puasa di bangunan Hal Ehwal Pelajar dan Alumni, Kampus Barat pada 22 Ogos lepas.

Majlis tersebut merupakan aktiviti kali ketujuh yang dianjurkan oleh Persatuan Wanita UNIMAS (Masnita) dan yang diraikan ialah balu dan waris bekas kakitangan UNIMAS yang meninggal dunia, kakitangan yang tergolong sebagai ibu tunggal, penduduk kampung sekitar Samarahan, penghuni Rumah Amal Batu 12, warga Rumah Seri Kenangan serta ibu tunggal mualaf.

Aktiviti ini telah mendapat pujian daripada Naib Canselor UNIMAS, Prof Datuk Dr Khairuddin Ab Hamid dan berharap ia dapat diteruskan pada setiap tahun.

Untuk itu, katanya, UNIMAS bersedia menghulurkan bantuan dan sumbangan sebanyak RM5000 kepada Masnita sebagai galakan untuk persatuan tersebut menganjurkan lebih banyak aktiviti kebajikan di masa hadapan.

Dalam majlis berkenaan, Naib Canselor dan Yang Dipertua Masnita, Datin Dayang Mariani Abang Zain turut menyampaikan sumbangan kepada anak ahli Masnita yang cemerlang dalam Ujian Penilaian Sekolah Rendah (UPSR), Penilaian Menengah Rendah (PMR) dan Sijil Pelajaran Malaysia (SPM) tahun lalu.

Bubur Lambuk Percuma Untuk Kakitangan dan Pelajar

Lebih 400 bungkusan bubur lambuk telah disampaikan kepada kakitangan dan pelajar UNIMAS sempena dengan program Bubur Lambuk Merdeka Ramadan HEPA yang telah diadakan pada 18 Ogos lepas. Program tersebut merupakan anjuran Bahagian Hal Ehwal Pelajar dan Alumni dan merupakan kesinambungan kepada program sama yang telah diadakan pada tahun lepas. Kali ini, program berkenaan diadakan secara besar-besaran dengan melibatkan kakitangan HEPA yang bergotong-royong memasak tiga periuk besar bubur lambuk pada hari berkenaan. Timbalan Naib Canselor (Hal Ehwal Pelajar dan Alumni), Prof Mohd Fadzil Abdul Rahman memberitahu tahun ini program itu juga berbeza kerana ia dijalankan secara pertandingan antara pelajar kolej kediaman yang menyaksikan Kolej Seroja diangkat sebagai juara. "Ia juga bermakna kali ini kerana diadakan serentak dengan sambutan Hari Kemerdekaan dan bulan Ramadan," katanya. Beliau memberitahu program berkenaan akan dapat membantu mengeratkan lagi silaturahim antara kakitangan dan pelajar, selain menyemai sikap suka bergotong-royong.



Bantu Golongan Kurang Berkemampuan UNIMAS Masak Bubur Lambuk

Sempena bulan Ramadan Al-Mubarak, UNIMAS telah menganjurkan majlis memasak bubur lambuk untuk disampaikan kepada golongan kurang berkemampuan. Bubur lambuk yang siap dimasak oleh kakitangan UNIMAS, telah diserahkan kepada golongan kurang berkemampuan sekitar kawasan Samarahan. Di Kampung Tambirat sahaja, UNIMAS telah menyerahkan 250 bungkusan bubur lambuk termasuk 100 kotak makanan keperluan kepada penduduk di sana. Timbalan Naib Canselor UNIMAS (Hal Ehwal Pelajar

dan Alumni), Prof Mohd Fadzil Abdul Rahman berkata program tersebut yang dipanggil 'Kasih Ramadan dan Memasak Bubur Lambuk' merupakan salah satu usaha UNIMAS untuk membantu golongan berkenaan di kawasan Samarahan.

Katanya, UNIMAS akan berusaha membantu mengurangkan beban para penduduk terutama golongan kurang berkemampuan di Samarahan terutama pada musim perayaan. Beliau memberitahu ia juga sebagai cara untuk mengeratkan lagi silaturahim antara kakitangan UNIMAS dengan penduduk setempat.

Perkuuhkan Persilangan Nilai Budaya Pelbagai Etnik : Prof Mohd Fadzil



Persilangan nilai budaya harus diperkuuhkan daripada pelbagai kumpulan etnik di negara ini bagi menghadapi cabaran globalisasi, kata Timbalan Naib Canselor (Hal Ehwal Pelajar dan Alumni), Prof Mohd Fadzil Abdul Rahman. Berucap pada majlis perasmian Seminar Persilangan Budaya di UNIMAS pada 24 hingga 25 Mei lepas, Prof Mohd Fadzil berkata, globalisasi membolehkan pengaliran secara bebas dan pantas di dalam sistem nilai, budaya dan kepercayaan dari pelbagai negara.

"Oleh itu, pihak universiti perlu mengambil inisiatif menganjurkan pelbagai aktiviti demi memupuk perpaduan dalam kalangan pelajar. Semoga pengalaman dan persilangan budaya yang dilalui pelajar yang berbilang bangsa boleh menjadi amalan kepada semua sehingga masa akan datang," katanya.

Beliau menekankan pembinaan sesuatu bangsa yang berjaya memerlukan rakyat yang memiliki jati diri yang kukuh, patriotik dan berpegang teguh kepada ajaran agama. Katanya, sikap itu penting untuk mengelakkan berlakunya sebarang pertelingkahan atau perselisihan faham yang boleh memecah-belahkan rakyat.

Radio Komuniti Untuk Masyarakat Kelabit

Lebih 5,000 masyarakat Kelabit di seluruh Bario dan Ba'kelalan bakal menikmati saluran radio sebaik sahaja siaran Radio Komuniti iaitu satu dari projek perintis UNIMAS untuk masyarakat di tanah tinggi Bario telah berjaya dilaksanakan pada hujung tahun ini. Pengarah Institut Informatik Sosial dan Teknologi Inovasi UNIMAS, Prof Madya Dr Alvin Yeo Wee berkata, siaran radio berkenaan bertujuan untuk menyampaikan maklumat penting dan berinteraksi bersama penduduk di kawasan berkenaan.

Beliau memberitahu, lesen siaran radio berkenaan telah diperoleh daripada Kementerian Penerangan, Kebudayaan dan Komunikasi, Suruhanjaya Komunikasi dan Multimedia (SKMM) serta agensi lain yang berkaitan pada tahun lepas.


Prof Madya Dr Alvin memberitahu siaran radio komuniti itu akan disampaikan menggunakan bahasa Kelabit dan dibiayai oleh Persekutuan Antarabangsa Pembangunan Pertanian.

Beliau menjelaskan, stesen radio berkenaan akan menggunakan maklumat menerusi internet di Pekan Bario sebelum disampaikan melalui siaran satelit kepada penduduk sekitar kawasan tersebut.

Kemudian, katanya lagi, maklumat yang dipetik daripada internet akan diterjemah ke dalam bahasa Kelabit oleh penyampai stesen yang sememangnya fasih dalam bahasa berkenaan.

Prof Madya Dr Alvin berkata, selama ini, penduduk di tanah tinggi Bario dan Ba'kelalan sering menghadapi masalah perhubungan disebabkan kawasan di sana hanya dapat dihubungi menerusi pengangkutan udara dan mereka tidak dapat menerima siaran radio, televisyen maupun capaian internet.

Contoh Universiti Awam Terbaik



Dalam usaha mengekalkan pengiktirafan sebagai universiti awam terbaik di rantau ini, kakitangan dan pelajar UNIMAS haruslah lebih komited lagi dari usaha yang dibuat pada masa ini, nasihat Ketua Setiausaha Kementerian Pengajian Tinggi (KPTM) Malaysia, Datuk Ab Rahim Md Noor. Berucap pada Majlis Penyerahan Bangunan DeTAR Putra UNIMAS pada 5 September lepas, Datuk Ab Rahim berkata, UNIMAS haruslah mempunyai kekuatan dan keunikan dalam bidang pengajian yang ditawarkan sebagai menarik lebih ramai pelajar pada masa akan datang. Menurut beliau, untuk menjadi universiti awam contoh dan terbaik, kakitangan UNIMAS sama ada akademik maupun bukan akademik, haruslah sentiasa memberi galakan dan motivasi kepada pelajarnya. "Saya berharap pelajar UNIMAS berdedikasi untuk membantu mengangkat nama UNIMAS dari ilmu pengetahuan yang mereka perolehi semasa pengajian di sini," katanya lagi. Datuk Ab Rahim berkata, kerajaan menerusi KPTM sendiri akan terus memberi sokongan kepada UNIMAS dari masa ke semasa. Dalam ucapan sama, beliau turut menekankan kepentingan penggunaan teknologi maklumat seperti laman web bagi universiti awam seperti UNIMAS dalam mempromosikan produk pengajian mereka. Beliau berkata, dengan menggunakan laman web, bidang pengajian yang ditawarkan akan mudah dikenali bukan sahaja kepada masyarakat di dalam negara ini tetapi juga sebagai tarikan untuk masyarakat dari luar negara.

Nadi Kerajaan Negeri

Ketua Menteri menaruh harapan tinggi kepada UNIMAS



Kerajaan negeri menaruh harapan tinggi kepada UNIMAS untuk melahirkan tenaga kerja profesional seperti jurutera dan pakar teknologi maklumat (IT). Ketua Menteri, Pehin Sri Dr Haji Abdul Taib Mahmud berkata, UNIMAS dianggap sebagai nadi penting kepada kerajaan negeri terutama kemudahan inkubasi bagi syarikat teknologi baru dan pembangunan manusia. Teks ucapan beliau telah dibacakan oleh Menteri Alam Sekitar dan Kesihatan Awam Dato Sri Wong Soon Koh pada majlis perasmian Persidangan Antarabangsa Mengenai Teknologi Maklumat Asia (CITA) 2011 pada 12 Julai lepas bertempat di Hotel Hilton. Menurut Pehin Sri Dr Haji Abdul Taib, globalisasi dan kelembapan ekonomi mewujudkan peralihan keperluan asas

kepada industri ICT padahal Sarawak masih lagi kekurangan tenaga profesional seperti jurutera dan pakar IT pada masa kini. "Di sinilah, kita melihat peranan UNIMAS dalam membantu kerajaan ke arah melahirkan tenaga kerja yang mahir dan cekap. Kita amat berharap UNIMAS akan terus memainkan peranan mereka ke arah itu dari masa ke semasa," katanya lagi.

Pehin Sri Dr Haji Abdul Taib Mahmud memberitahu penyertaan UNIMAS sekaligus akan memudahkan usaha menjayakan Koridor Tenaga Yang Boleh Diperbaharui Sarawak (SCORE) yang mensasarkan 1.6 juta peluang pekerjaan bagi sepuluh sektor pekerjaan yang diutamakan. Hadir sama Naib Canselor UNIMAS, Profesor Datuk Dr Khairuddin Ab Hamid dan Pengerusi CITA 2011 Profesor Madya Dr Jane Labadin.

Persidangan itu merupakan anjuran bersama Fakulti Sains Komputer dan Teknologi Maklumat UNIMAS dengan Unit Teknologi Komunikasi dan Maklumat di Jabatan Ketua Menteri Sarawak, Institut Telekomunikasi dan Maklumat Global dan ditaja oleh IEEE Computer Society.

Seramai 75 peserta dari pelbagai negara telah menyertainya dan sebanyak 30 kertas kerja penuh dan 28 kertas kerja pendek telah dibentangkan sepanjang sesi persidangan diadakan.

Dengan tema 'Emerging Convergences and Singularity of Forms', persidangan itu diadakan bertujuan merapatkan hubungan kerjasama di kalangan tenaga profesional dan eksekutif dalam perkongsian idea terutama dalam bidang teknologi maklumat.

Sambutan Serentak

Majlis Ramah Tamah Merdeka Raya UNIMAS 2011



Lebih dua puluh buah gerai yang menyajikan pelbagai jenis juadah hari raya telah dibuka bermula Majlis Ramah Tamah Aidilfitri UNIMAS 2011 yang telah diadakan pada 15 September lepas di hadapan bangunan Canselor UNIMAS. Tahun ini, tema majlis ramah tamah UNIMAS ialah Majlis Ramah Tamah Merdeka Raya 2011 sebagai tanda serentak sambutan hari raya dan sambutan bulan kemerdekaan.

Setiap gerai bukan sahaja menyajikan juadah raya yang sedap dan pelbagai tetapi juga memperkenalkan dekorasi yang cantik dan unik sebagai tarikan orang ramai. Majlis tersebut telah dirasmikan oleh Naib Canselor UNIMAS, Prof Datuk Dr Khairuddin Ab Hamid dan turut dihadiri oleh staf UNIMAS, pelajar dan wakil media.

Dalam ucapan, Prof Datuk Dr Khairuddin berkata, acara majlis ramah tamah itu akan dapat merapatkan lagi silaturahim dan kerjasama antara staf, pelajar dan orang luar.

“Hari ini merupakan hari yang baik untuk kita mengeratkan kerjasama sesama sendiri. Kita sememangnya berharap agar hubungan begini terus dikenalkan bagi memastikan UNIMAS terus menjadi contoh universiti terbaik di rantau ini,” sambungnya.

Prof Datuk Dr Khairuddin turut meluahkan rasa bangga dengan pencapaian kerja yang telah ditunjukkan oleh semua staf UNIMAS.

Beliau berkata, dengan semangat bersatu-padu dan kerjasama di antara semua staf, maka impian UNIMAS untuk mencapai misi dan visi akan mudah tercapai.

Dalam majlis berkenaan, Bahagian Hal Ehwal Pelajar dan Alumni (HEPA) telah memenangi pertandingan gerai terbaik diikuti di tempat kedua oleh Fakulti Kejuruteraan (FK) dan tempat ketiga, Bahagian Pentadbiran Am dan Keselamatan.

Tawar Kursus Jangka Pendek

Dalam usaha mengalakkan pembelajaran sepanjang hayat, Pusat Pemindahan Teknologi dan Perundingan (PPTP) UNIMAS telah menawarkan 26 kursus jangka pendek meliputi pelbagai disiplin dan kepentingan untuk ditawarkan kepada orang awam.

Pengarah PPTP, Prof Lau Seng berkata, Kementerian Pengajian Tinggi di bawah Pelan Strategik Pengajian Tinggi Negara telah mengenalpasti pembelajaran sepanjang hayat sebagai satu dari agenda kritisik. “UNIMAS telah menggunakan polisi pembelajaran sepanjang hayat sebagai usaha membantu orang ramai yang mahu menimba pelajaran dan kepakaran mereka dalam bidang yang kita tawarkan,” katanya semasa sesi sidang akhbar pada 23 Julai lepas bertempat di Rumah Universiti UNIMAS. Menurut Prof Dr Lau, program yang ditawarkan memberi penekanan kepada latihan sumber manusia untuk membekalkan projek SCORE, kursus pengenalan budaya perniagaan Jepun, kursus kejuruteraan dan sebagainya.

Sejajar dengan saranan kerajaan untuk memastikan pihak universiti berkongsi kepakaran dan teknologi kepada pihak lain maka CCTC juga menjadi orang tengah dalam penyediaan kepakaran, teknologi dan perundingan perkhidmatan.

Prof Dr Lau memberitahu, UNIMAS mempunyai lebih kurang 600 pakar dalam pelbagai bidang dan ramai daripada pensyarah UNIMAS telah mencipta produk baru menerusi kajian yang telah dijalankan.

Sehingga kini, kata beliau, terdapat lebih 50 produk UNIMAS difaikkan bagi perlindungan hak harta intelek di Malaysia meliputi daripada air dan rawatan air sisa kumbahan kepada peralatan klinikal, perisian komputer dan rekabentuk perindustrian. Beliau menjelaskan sebagai contoh, bagi produk terkemuka seperti GIS dan perisian pemprosesan imej yang dibangunkan oleh Prof Wang Yin Chai dan kumpulannya mengetengahkan penggunaan produk-produk itu dalam industri kelapa sawit di Sarawak.

Usaha Diperhebatkan

Promosi UNIMAS Di Peringkat Antarabangsa



"Mungkin sasaran itu agak kecil jumlahnya berbanding universiti lain tetapi ini adalah kemampuan yang kita dapat bagi kapasiti di UNIMAS," sambungnya.

Beliau berkata demikian selepas merasmikan Majlis Ikrar Pelajar (MIP) pada 9 September 2011, bertempat di Dewan Tun Abdul Rahman Putra (DeTAR PUTRA) UNIMAS. Prof Datuk Dr Khairuddin memberitahu, UNIMAS telah mengenal-pasti beberapa negara berpotensi untuk tujuan mempromosi UNIMAS iaitu di rantau Asia, Asia Barat dan Afrika.

Untuk itu, katanya, Indonesia menjadi tempat pertama yang menjadi sasaran promosi yang akan dimulakan pada bulan depan.

UNIMAS akan terus memperhebatkan usaha mempromosikan universiti ini di peringkat antarabangsa bagi menjayakan sasaran untuk kemasukan penuntut luar negara melebihi 300 orang pada masa akan datang.

Najib Canselor UNIMAS, Prof Datuk Dr Khairuddin Ab Hamid memberitahu setakat ini, UNIMAS mempunyai 160 orang penuntut dari luar negara seperti dari Turki, Somalia, Nigeria, Algeria, Somalia, Kazakstan, Brunei, Indonesia, Brunei, Korea Selatan dan Filipina.

Katanya, pelajar luar negara yang baru bagi pengambilan 2011/2012 adalah seramai 39 orang iaitu kemasukan paling tinggi berbanding tahun sebelum ini dan kebanyakannya mengambil jurusan ekonomi, peniagaan, kejuruteraan dan sains komputer.



RM6.8 juta Biasiswa Untuk Pelajar Siswazah

Sebanyak RM6,828,000.00 telah diperuntukkan bagi biasiswa 'Zamalah Siswazah UNIMAS' (ZSU) kepada pelajar yang melanjutkan pelajaran ke UNIMAS semenjak tahun 2003. Biasiswa penuh diberi sebanyak RM1,200 setiap bulan selama tiga tahun kepada pelajar PhD manakala pelajar sarjana diberi sebanyak RM1,000 setiap bulan bagi tempoh dua tahun. Terbaru, seramai sepuluh orang telah menerima biasiswa berkenaan melibatkan lima pelajar dari Malaysia dan lima lagi ialah pelajar antarabangsa. Dalam majlis taklimat yang diadakan pada 22 September lepas, Dekan Pusat Pengajian Siswazah, Prof Dr Kopli Bujang menyatakan

jumlah keseluruhan biasiswa yang terbaru itu adalah sebanyak RM197,958.97. Menurut beliau, tahun ini, seramai tiga orang pelajar peringkat sarjana menerima biasiswa penuh, dua orang biasiswa separuh manakala seorang lagi diberi biasiswa bayaran yuran pengajian sahaja. Manakala pelajar di peringkat PhD pula, empat daripada mereka diberi biasiswa meliputi bayaran akademik dan penginapan.

Selain itu, UNIMAS turut menyediakan peluang dalam pelbagai bentuk sokongan kewangan menerusi beberapa jenis tawaran yang disediakan oleh kerajaan dan institusi swasta serta badan-badan korporat.

BHEPA Lancar Button Badge dan Buletin Sekilas Alumni HEPA



Bahagian Hal Ehwal Pelajar dan Alumni (BHEPA) telah mengadakan Majlis Merdeka Raya pada 27 September lepas bertempat

di Dewan Aktiviti, Tingkat G, HEPA. Dalam majlis berkenaan, turut diadakan ialah pelancaran Button Badge dan Buletin Sekilas Alumni HEPA. Button Badge merupakan idea daripada Timbalan Naib Canselor (Hal Ehwal Pelajar dan Alumni), Prof Mohd Fadzil Abdul Rahman dan ia telah diberikan kepada semua warga HEPA termasuk Pengetua dan Felo Kolej. Button Badge mengandungi kompilasi warna biru, merah dan jingga iaitu warna-warna UNIMAS manakala lambang 'i'

dan 'Love' yang bermaksud I LOVE UNIMAS.

Manakala Buletin Sekilas Alumni pula memuatkan bahan berita mengenai alumni UNIMAS dan ia akan diberikan kepada alumni UNIMAS yang akan bergraduat pada tahun ini.

Selain buletin berkenaan, BHEPA turut menerbitkan buku panduan pelajar dan majalah MYHEP@UNIMAS serta buletin Info Kolej.

UNIMAS Bantu Sekolah Luar Bandar/Pedalaman



(Dari kiri) Pengarah GESB, Kirby Lee, Naib Canselor UNIMAS, Prof Datuk Dr Khairuddin Ab Hamid dan Ketua Pegawai Teknologi ETI Tech, Khor Yee Kwang melihat MoU yang telah ditandatangani.

Sebanyak 440 buah sekolah di luar bandar dan pedalaman di Sarawak bakal menikmati bekalan elektrik yang baik, setelah sistem hibrid GenSet mendapat 'lampa hijau' daripada Kementerian Pelajaran Malaysia.

Sistem berkenaan disediakan oleh Green Electric Sdn Bhd (GESB) dengan kerjasama dari Universiti Malaysia Sarawak (UNIMAS), Jabatan Kerja Raya Malaysia (JKR) dan ETI Tech (M) Sdn Bhd.

Penggunaan sistem itu diharap dapat memberi bekalan elektrik yang baik dan berterusan kepada sekolah terpilih serta mengurangkan pergantungan kepada penggunaan janakuasa diesel.

Ia juga dijangka akan membantu mengurangkan kos operasi sekolah terpilih yang kini masih menggunakan janakuasa diesel untuk menjalankan tugas-tugas harian mereka. Dari laporan ujian JKR pada awal bulan Mac lepas bagi projek yang dijalankan di sekolah di Kapit, Sarawak mendapat, terdapat pengurangan sehingga 60 peratus kos operasi manakala penggunaan elektrik sehingga 14.5 jam hingga 24 jam. Laporan tersebut turut memperlihatkan kejayaan pengurangan kos sehingga RM350,000 bagi sebuah sekolah atau RM150 juta bagi 440 buah sekolah yang terpilih.

Kenali Budaya Perniagaan Jepun

Pusat Pemindahan Teknologi dan Perundingan (PPTP) UNIMAS telah menganjurkan bengkel pengenalan budaya perniagaan Jepun selama dua hari bermula 28 hingga 29 September lepas.

Kursus tersebut dibuka kepada orang awam sebagai salah satu dari program Unit Pembelajaran Sepanjang Hayat PPTP UNIMAS. Menurut Ketua Unit Pembelajaran Sepanjang hayat PPTP, Encik Awang Ideris Awang Daud, antara yang

diperkenalkan dalam kursus berkenaan seperti prinsip asas budaya perniagaan Jepun dan diberi tunjuk ajar tentang aspek komunikasi, budaya, undang-undang asas dan formaliti di negara matahari terbit tersebut. Beliau memberitahu kursus tersebut akan dapat merapatkan jurang komunikasi antara masyarakat di negara ini dengan masyarakat Jepun serta mengeratkan lagi jalinan kerjasama antara dua buah negara berkenaan.

UNIMAS Anjur Kongres Bidang Genetik



Fakulti Sains dan Teknologi Sumber UNIMAS dengan kerjasama Persatuan Genetik Malaysia (PGM) telah menganjurkan Kongres Genetik Malaysia Ke-Sembilan dengan tema 'Appreciating the Richness of Nature through Genetics' bermula 28 hingga 30 September lepas bertempat di Hotel Pullman, Kuching. Majlis tersebut telah dirasmikan oleh Timbalan Ketua Menteri, Datuk Patinggi Tan Sri Dr Alfred Jabu anak Numpang mewakili Ketua Menteri, Pehin Sri Haji Abdul Taib Mahmud. Dalam teks ucapan Ketua Menteri, beliau mengucapkan tahniah kepada UNIMAS kerana menganjurkan kongres berkenaan yang menurutnya dapat menyumbang kepada kesinambungan dan menjadikan bidang genetik sebagai kepentingan untuk pembangunan negara ini. Beliau memberitahu, Sarawak yang sememangnya terkenal dengan sumber semulajadi dan kepelbagaiannya biologi yang tinggi sememangnya berpotensi untuk dikaji dan dimajukan dengan bantuan teknologi genetik. "Sebagai contoh ialah kajian dalam spesies ikan-ikan air tawar seperti ikan semah, empurau, terubok dan banyak lagi," katanya. Selain itu, bidang genetik juga berupaya menyumbang kepada kemajuan dalam industri pengeluaran makanan, bidang forensik dan penyiasatan jenayah di Malaysia amnya dan Sarawak khasnya. Sehubungan itu, Ketua Menteri berharap kongres berkenaan dapat mencapai objektifnya untuk meneliti, mempertingkat, memaju dan menyebarkan perkembangan terbaru di dalam bidang genetik selain merapatkan hubungan dan berkongsi pengetahuan antara semua peserta.

UNIMAS Tunjuk Taring Dalam Boling MAKSAK

Pasukan Wanita UNIMAS A sekali lagi merangkul Juara Keseluruhan di dalam Pertandingan Boling MAKSAK anjuran Kelab Rekreasi Imigresen Sarawak (KERIS) dengan jatuhan pin sebanyak 4928. Di tempat Kedua disandang oleh pasukan wanita UNIMAS B dengan jatuhan pin sebanyak 4803 dan pasukan JKM A di tempat ketiga dengan jatuhan sebanyak 4692 pin.

Pertandingan yang berlangsung pada 22 hingga 30 Julai 2011 kali ini menyaksikan sebanyak 55 pasukan lelaki dan 32 pasukan wanita bertanding untuk merebut piala MAKSAK 2011. Terdapat dua acara yang dipertandingkan iaitu acara berpasukan dan acara bergu bagi kategori lelaki dan wanita.

Dalam kategori berpasukan wanita, pasukan UNIMAS B dibarisi oleh Hjh. Amu Sapin, Suriani Julaihi, Rosaidawati Abd Said dan Norinda K.Su'ut, telah berjaya menjadi Johan manakala pasukan UNIMAS A yang diwakili oleh Cindy Sian, Ilyiana, Yusralina dan Surian di tempat Kedua.

Manakala dalam acara bergu pula, pasukan UNIMAS A diwakili oleh Surina Hj Zainuddin dan Ilyiana Abdullah turut berjaya menjadi Johan. Bagi acara berpasukan lelaki, pasukan UNIMAS A hanya berjaya di tempat Ketujuh, UNIMAS B di tempat ke-10, UNIMAS D di tempat ke-16 dan UNIMAS C di tempat ke-34.

Dalam acara bergu, pasukan UNIMAS A berjaya di tangga Ketiga dan Pasukan UNIMAS B di tangga ke-enam, UNIMAS C dan D masing-masing berkongsi tempat ke-19.

Ilyiana Abdullah dari UNIMAS memenangi *High Series* dengan 882 jatuhan pin dan pemenang *High Games* jatuh kepada Rosaidawati Abd. Said dengan jatuhan pin 214. Wakil lelaki juga tidak kurang hebatnya di mana Bemen Wong telah berjaya memenangi *High Games* dengan jatuhan pin sebanyak 256 dan *High Series* digondol oleh Rohaizan Saher daripada Politeknik dengan 1060 jatuhan pin.

Contoh Terbaik

Staf UNIMAS Disaran Supaya Kekalkan Kerjasama

Sepertimana tahun sebelum ini, UNIMAS meneruskan tradisi dengan meraikan 228 orang staf yang telah menunjukkan prestasi cemerlang pada Majlis Anugerah Gemilang UNIMAS 2011 bertempat di Hotel Riverside Majestic pada 22 Julai lepas. Naib Canselor UNIMAS, Prof Datuk Dr Khairuddin Ab Hamid semasa berucap pada majlis berkenaan berharap anugerah yang diterima oleh staf terpilih dapat meningkatkan motivasi diri, keyakinan untuk berusaha lebih gigih dan cemerlang di mata masyarakat. Bagaimanapun, katanya, dalam mencapai kecemerlangan diri, perkara mengenai adab sopan, tatasusila dan ketrampilan diri hendaklah dijaga setiap masa. Beliau memberitahu, sebagai sebuah IPTA yang dikenali, staf UNIMAS haruslah memberi contoh yang baik dan saling bekerjasama antara satu sama lain.

Prof Datuk Dr Khairuddin juga berharap staf UNIMAS supaya bekerjasama dalam menjayakan harapan untuk mencapai status "Universiti Penyelidikan" menjelang tahun 2015 kelak. Beliau menambah, adunan antara kerja yang serba boleh, bijak, mempunyai sikap positif, jati diri tinggi dan semangat bekerjasama, akan mencapai satu budaya kerja yang cemerlang. Sementara itu, dari jumlah penerima, 165 orang daripada mereka menerima Anugerah Perkhidmatan Cemerlang, 39 orang menerima Anugerah Perkhidmatan Setia kerana telah berkhidmat lebih 15 tahun, 16 orang penerima Anugerah Akademik dalam pelbagai kategori manakala 8 orang lagi menerima Anugerah Pengurusan, juga dalam pelbagai kategori.

Pada tahun ini, tiga anugerah baru telah diperkenalkan iaitu Anugerah *Outstanding Online Course Award*, Anugerah Galakan Sukan (lelaki dan wanita) dan Anugerah Inovasi Naib Canselor. Turut disampaikan ialah penghargaan kepada 13 orang staf yang telah bersara dan bakal bersara yang akan menamatkan perkhidmatan mereka pada tahun ini.



Shaari Putit (Anugerah Perkhidmatan Cemerlang)

"Saya amat terharu menerima anugerah ini dan UNIMAS amat prihatin dengan staf mereka. Rahsia bekerja adalah ringkas iaitu amanah dan ikhlas dalam menjalankan tugas yang dipertanggungjawab."



Henry Tening ak Sengeng (Anugerah Perkhidmatan Cemerlang)

"Ini merupakan kali kedua saya menerima anugerah yang sama. Saya tidak mempunyai rahsia tetapi saya yakin, jika kita setia, jujur dan amanah dalam membuat kerja, ia pasti membawa hasil yang baik kepada semua pihak."



Jamain bin Zaini (Anugerah Perkhidmatan Cemerlang)

"Sebenarnya saya tidak menyangka akan menerima anugerah ini. Ini adalah kali pertama saya menerima anugerah ini. Saya merasa diri dihargai oleh UNIMAS."



Jai bin Rasdi (Anugerah Perkhidmatan Cemerlang)

"Saya sudah lima kali menerima anugerah ini. Saya telah berkhidmat dengan UNIMAS dalam tempoh 18 tahun. Saya semangatnya gembira kerana berkhidmat di UNIMAS."



Dr Evan Lau Poh Hock (Anugerah Perkhidmatan Cemerlang)

"Ini merupakan kali kedua saya menerima anugerah yang sama. Saya tidak menyangka akan menerimanya lagi. Terima kasih UNIMAS."

SENARAI PENERIMA ANUGERAH AKADEMIK 2010




ANUGERAH PENGURUSAN 2010

Anugerah Perkhidmatan Kaunter Terbaik	Bahagian Pentadbiran Am dan Keselamatan
Anugerah Kecemerlangan Sukan (Lelaki)	Encik Ahmad Bistamam Ahmad Tajidin
Anugerah Galakan Sukan (Lelaki)	Encik Wagiman bin Kassim
Anugerah Galakan Sukan (Wanita)	Cik Siti Nor Ain binti Musa
Anugerah Staf Contoh (Sokongan)	Encik Ramli bin Sa'et
Anugerah Kepemimpinan Pengurusan & Profesional	Cik Azeemah binti Ahmad Dr Zahara binti Abdul Manap
Anugerah Inovasi Pengurusan	Jawatankuasa Penambahbaik Sistem e-Prestasi (Akademik)
Anugerah Inovasi Naib Canselor	Fakulti Sains dan Teknologi Sumber


Best Teaching & Learning Award	Encik Bakri bin Abdul Karim
Outstanding Online Course Award	Winner : Dr Norazila Abdul Aziz Merit : Dr Shanti Nadarajan Merit : Puan Ross Azura Zahit
Young Researcher Award	Dr Ng Giap Weng
Original Book Authorship Award	Prof Dr Indraneil Das
Special Achievement Award	Prof Madya Dr Alvin Yeo Wee
Best International Conference Paper Award	Dr Tay Kai Meng
Highest International R&D Grant Award/ Endowment Secured by a Research Group	Group of centre of Excellence for Rural Informatics (CoERI) headed by Prof Madya Dr Alvin Yeo Wee
International R&D Grant Award/ Endowment Secured Research Group	Group of Centre of Excellence for Rural Informatics (CoERI) headed by Prof Madya Dr Alvin Yeo Wee
Malaysian R&D Exhibition Award	Prof Madya Dr Pang Suh Chem
Malaysian R&D Exhibition Award	Prof Madya Dr Pang Suh Chem
Impact Journal Paper Award	Pure Science Cluster Dr David Perera
Researcher Award	Prof Dr Indraneil Das

BUKU TERBITAN UNIMAS



Tajuk	: Isu Perubatan Dalam Islam
Penulis	: Zulkifly Muda
Harga	: RM20.00
Tahun	: 2010

Sinopsis: Dalam Islam, penyakit dilihat sebagai ujian Allah kepada seseorang muslim untuk melihat sejauh mana ia beriman kepada-Nya. Dan pada pandangan agama Islam, selagi ada kewajaran akal, tuntutan melakukan solat adalah wajib dalam apa keadaan sekalipun. Mungkin timbul pertanyaan atau persoalan bagaimana pesakit-pesakit yang sedang mengikuti pelbagai keadaan rawatan dapat mengambil wuduk dan melakukan ibadat solat. Persoalan ini biasanya timbul apabila terdapat anggota wuduk seperti tangan atau kaki yang dalam keadaan berbalut, luka yang tidak boleh terkena air, pesakit sentiasa dalam keadaan berhadas, pesakit yang dalam keadaan terbaring dan sebagainya. Sehubungan itu, buku ini berusaha mengupas perkara ini dengan memberi penumpuan kepada permasalahan pesakit yang menghadapi kesulitan untuk bertarrahah dan solat. Disamping itu, buku ini turut mengupas isu dan hukum hakam berkaitan dengan proses perubatan yang ada sekarang iaitu pemindahan organ dan bayi tabung uji.



Tajuk	: Factors Influencing Students' Selection Of Universiti Malaysia Sarawak.
Penulis	: Peter Songan, Gabriel Tonga, Mustapha Abdul Rahman, Hong Kian Sam, Lily Law
Harga	: RM 18.00
Tahun	: 2010

Sinopsis: Universiti Malaysia Sarawak (UNIMAS) was established in 1992. As a relatively young university competing with the earlier established university and later, the many established local universities in Malaysia, it knows that its approach needs to be innovative and is not confined to the usual practice of the day in order to attract quality students to fill its courses. So, what is the factor that attracts students to a particular university? Specifically, as revealed in this booklet, what is the factor that takes the students through UNIMAS gate? Such investigations are not new abroad, especially in the market driven western university, but it is the first in Malaysia. This monograph is a result of concerted effort of a group of researchers at UNIMAS who felt that there is a need for UNIMAS to take a proactive approach to enter its courses. Even though the focus here is only on UNIMAS, the approach/method could serve useful for researchers of other universities who would want to identify their attractiveness among potential students.

*** Sebarang pesanan buku atau pertanyaan mengenai koleksi buku terbitan boleh menghubungi:

Bahagian Penerbitan UNIMAS

Tingkat 5, Bangunan CAUH
Universiti Malaysia Sarawak
94300, Kota Samarahan
Tel: 082-581159/581157 Faks:082-581919